



Broj: 02-04-1275/24-AP-8
Datum: 03.02.2025. godine

Na osnovu člana 13. stav (1) i (2) alineja 9. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće Zavidovići na ___ sjednici održanoj dana ___ . ___ .2025. godine, donijelo je

O D L U K U

o izmjeni i dopuni Odluke o utvrđivanju naziva ulica,
trgova, mostova i drugih građevina

Član 1.

U odluci o utvrđivanju naziva ulica, trgova, mostova i drugih građevina („Službeni glasnik Općine Zavidovići“, broj: 4/08 i 7/09), u cijelom tekstu riječ „općinskih“ mijenja se sa riječi „gradskih“, a riječ „Općina“ mijenja se sa riječi „Grad“ u odgovarajućem padežu.

Član 2.

U članu 2. stav (2) broj „63“ zamjenjuje se sa brojem „68“.

Tačka 7. mijenja se i glasi:

„7. Ulica „Ermina Dubravca“ (bivša „Prvomajska“) - (310 m):

- Počinje na udaljenosti od cca 19 m od ulice „Zlatnih ljiljana“ i pruža se preko raskrsnice sa ulicama „Alije Izetbegovića“ i „Mehmed-paše Sokolovića“ i završava kod Lovačkog doma.“

U tački 11. broj „634“ zamjenjuje se brojem „434“, te se mijenja opis postojeće ulice i glasi:

„- Počinje od raskršća sa ulicom „1. marta“ i ulicom „Mehmed-paše Sokolovića“ i ide pored JU „Doma zdravlja“, Gradske džamije do raskrsnice sa ulicom „IDČ Asim Čamdžić“ i nastavlja iznad pomoćnog fudbalskog stadiona „Krivaja“ i završava kod graničnih stubova br. 4. i 5“.

Iza tačke 11. dodaje se nova tačka 11a.) koja glasi:

„11a. Ulica „1. marta“ (dio bivše „Gazi Husrev-begove“) - (200 m):

- Počinje od raskrsnice sa ulicom „dr. Pinkasa Bandta“ pruža se preko raskršća sa ulicama „Alije Izetbegovića“, „Dobrovoljnih davalaca krvi“ i završava kod raskršća sa ulicama „Mehmed-paše Sokolovića“ i „Gazi Husrev- begove“.“

U tački 34. broj „442“ zamjenjuje se brojem „314“, te se mijenja opis postojeće ulice i glasi:

„- Počinje od raskrsnice sa ulicom „Mehmed ef. Mahmutović - Memiš“ i ide u pravcu sjeverozapada pored vjerskog objekta džamije, raskršćem sa ulicama „Sarajevska“, „35. divizije“ i „Matije Gupca“ i završava kod ulaza u krug vjersko-katoličkog objekta crkve.“

Iza tačke 34. dodaje nova tačka 34a. koja glasi:

„34a. Ulica „Mehmed ef. Mahmutović – Memiš“ (dio bivše „Stjepana Radića“) - (336 m):

- Počinje od raskrsnice sa ulicom „35. divizije“ u blizini objekta „Željeznička stanica“ i prostire se u pravcu jugozapada pored raskršća sa ulicom „Stjepana Radića“ i dalje nastavlja duž željezničke pruge, pored zgrade socijalno sve do podvožnjaka gdje i završava kod ulice „Roncabelle“.

Tačka 41. se mijenja i glasi:

„ 41. Ulica „Mušana Alića“ (bivša „Viniški put“) - (425 m):

- Počinje od raskršća sa ulicom „Podubravlje“, prostire se ispod podvožnjaka na pruzi Sarajevo - Šamac i nastavlja prema općini Žepče do granice urbanog dijela Grada Zavidovići zaključno sa parcelama k.č. 782/2 k.o. Dubravica.“

U poglavlju „Nove ulice“ iza tačke 63. dodaju se tačke 64., 65., i 66., sa novim ulicama koje glase:

„ 64. Ulica „Šefika Skejića“ (390 m):

- Počinje od raskrsnice sa ulicom „Dubrovački put“, između parcela k.č. broj: 306/1 i k.č. 331/2 k.o. Dubravica, ide u pravcu sjeverozapada javnim nekategorisanim putem označenim sa k.č. 972/1 k.o. Dubravica a završava granicom urbanog područja Grada Zavidovići kod parcele k.č. 267/3 k.o. Dubravica.“

„ 65. Ulica „Edina Imamović – Strikana“ (222 m):

- Počinje od raskrsnice sa ulicom „Oslobodilaca Gostovića“, između parcela k.č. 47/2 i k.č. 37/1 k.o. Donja Lovnica, a kod parcele k.č. 42/2 k.o. Donja Lovnica.“

„ 66. Ulica „Abdulaha – Avde Ćivića“ (575 m):

- Počinje od raskrsnice sa ulicom „Husein-kapetana Gradašćevića“ i „ Mehmeda Spahe“ ide u pravcu juga javnim nekategorisanim putem označenim sa k.č. 27 k.o. Potkleče, a završava kod raskršća sa ulicom „Mehmeda Spahe“ parcele k.č. 17/1 i k.č. 17/2 k.o. Potkleče.“

Član 3.

U članu 4. stav (1) alineja 3) riječi „Bosanski most“ zamjenjuju se riječima „Most radioamatera BiH“.

Član 4.

U članu 5. stav (1) u alineji 3) riječ „Opća“ se briše.

U alineji 4) riječi „Srednja stručna škola“ se zamjenjuju sa riječima „Mješovita srednja škola“.

U alineji 7) riječi „sa poliklinikom“ se brišu.

U alineji 8) riječi „Centar za kulturu“ se zamjenjuju sa riječima „Kulturno-sportski centar Zavidovići“.

Alineja 11) se briše a dosadašnje alineje 12) i 13) postaju alineje 11) i 12).

U dosadašnjoj alineji 12) riječi „Sportska dvorana Zavidovići“ zamjenjuju se riječima „Gradska sportska dvorana“.

Član 5.

Zadužuje se Komisija za Statut i propise da sačini prečišćeni tekst Odluke o utvrđivanju naziva ulica, trgova, mostova i drugih građevina urbanog područja Grada Zavidovići i grafičkog prikaza imena ulica, trgova, mostova i drugih građevina.

Član 6.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

**PREDSJEDAVAJUĆA
GRADSKOG VIJEĆA**

Amira dr Hadžić, spec. radiolog

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

Pravni osnov za donošenje ove Odluke je član 13. stav (1) i (2) alineja 9) Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09) koji glasi: „Organ odlučivanja jedinice lokalne samouprave je Općinsko vijeće u općini, a gradsko vijeće u gradu (u daljem tekstu: „vijeće“).

Vijeće u okviru svoje nadležnosti:

- Donosi odluke o organizaciji mjesene samouprave i nazivima ulica, trgova i dijelova naseljenih mjesta.“

Član 10. stav (1) tačka 11. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) koji glasi: “Gradsko vijeće u okviru svoje nadležnosti:

11. donosi odluke o organizaciji mjesne samouprave i nazivima ulica, trgova i dijelova naseljenih mjesta;”.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Gradsko vijeće Grada Zavidovići je nakon razmatranja dostavljenih Inicijativa za izmjenu naziva ulica i mostova donijelo sljedeće zaključke:

- Zaključkom broj: 01-05-974/18-AP-8 od 28.06.2018. godine, Općinsko vijeće Zavidovići prihvatilo je Inicijativu Kluba vijećnika SBB - Fahrudin Radončić za izmjenu naziva ulice „Viniški put“ u ulicu „Mušana Alića“.
- Zaključkom broj: 01-04-110/22-AP-7 od 31.1.2022. godine je prihvaćena Inicijativa vijećnika Armina Imamovića za dodjelu ulice „Mehmedu ef. Mahmutović – Memišu“.
- Zaključkom broj: 01-04-952/22-AP-8 od 29.04.2022. godine, Gradsko vijeće je prihvatilo Inicijativu vijećnika Amera Avdičevića za izmjenu naziva jedne od gradskih ulica u ulicu naziva „Ulica Imamović Edina – Strikana“.
- Zaključkom broj: 01-04-683/23-AP-3 od 05.04.2023. godine prihvaćena je Inicijativa Kluba vijećnika Stranke demokratske akcije za donošenje izmjena i dopuna odluke o utvrđivanju naziva ulica, trgova, mostova i drugih građevina.
- Zaključkom broj: 01-04-1536/22-AP-7 od 30.06.2022. godine prihvaćena je Inicijativa Udruženja građana Bosanski kulturni centar - „Sloga – Wiltz“, sportskih i humanitarnih organizacija sa područja Grada Zavidovići za davanje jedne od ulica u gradu po Abdulahu - Avdi Ćivić.
- Zaključkom broj: 01-04-126/24-AP-7 od 31.01.2024. godine prihvaćena je Inicijativa Organizacije porodica šehida i poginulih boraca Grada Zavidovići za donošenje izmjena i dopuna Odluke o građevinama, u dijelu koji se odnosi na postojeću utvrđivanju naziva ulica, trgova, mostova i drugih ulicu „Prvomajska“, tako da ulica nosi naziv Ulica „Ermina Dubravca“.
- Zaključkom broj: 01-04-1538/22-AP-15 od 31.01.2024. godine prihvaćena je inicijativa vijećnika Admira Mujkića za dodjelu naziva ulice ili dijela ulice Šefiku Skejiću.
- Zaključkom broj: 01-04-127/24-AP-7 od 31.01.2024. godine prihvaćena je Inicijativa Mjesne zajednice „Branioci grada“ kojom se predlaže preimenovanje naziva ulice „Gornje selo“ u naziv ulice „Sulejmana Ćosića – Bese“, ime bivšeg pripadnika Armije BiH i nosioca priznanja Zlatni ljiljan.

- Zaključakom broj: 01-04-2589/22-AP-4 od 31.01.2024. godine, prihvaćena je inicijativa vijećnika Harisa Hodžića za donošenje odluke o davanju naziva mostu preko rijeke Bosne kod ušća u „Most radioamatera BiH“.

Za realizaciju svih gore navedenih zaključaka zadužena je Služba za upravu geodetskih, imovinskopravnih poslova i urbanizma, koja je postupajući po istim zaključcima u predloženi tekst odluke uvrstila tražene izmjene naziva ulica, trgova i mostova.

Služba nije mogla postupiti po Zaključku broj: 01-04-127/24-AP-7 od 31.01.2024. godine kojim je prihvaćena Inicijativa Mjesne zajednice „Branioci grada“ kojom se predlaže preimenovanje naziva ulice „Gornje selo“ u naziv ulice „Sulejmana Ćosića – Bese“, ime bivšeg pripadnika Armije BiH i nosioca priznanja Zlatni ljiljan iz razloga što naziv ulice „Gornje selo“ nije određen kao naziv ni jedne ulice važećom Odlukom o utvrđivanju naziva ulica, trgova, mostova i drugih građevina.

USKLAĐENOST ODLUKE S KANTONALNIM I FEDERALNIM ZAKONODAVSTVOM

Ova Odluka usklađena je sa Zakonom o principima lokalne samouprave u Federaciji Bosne i Hercegovine kada je u pitanju nadležnost Gradskog vijeća Zavidovići da donosi odluke kojima se određuju nazivi ulica, trgova i dijelova naseljenih mjesta.

Propisima Zeničko-dobojskog kantona nije uređivana ova oblast.

OBRAZLOŽENJE PRAVNIH RJEŠENJA U ODLUCI

Ulice koje mijenjaju nazive:

Ovom Odlukom se predlaže izmjena naziva dosadašnje ulice „Prvomajska“ u novi naziv ulice „Ermina Dubravac“ i izmjena naziva dosadašnje ulice „Viniški put“ u novi naziv ulice „Mušana Alića“.

Također je predloženo da se postojeća ulica „Gazi Husrev-begova“ podijeli na dvije ulice tako da jedan dio postojeće ulice zadrži svoj naziv ulica „Gazi Husrev-begova“ dok drugi dio iste ulice dobije novi naziv ulica „1. marta“.

Postojeća ulica „Stjepana Radića“ također se dijeli na dvije ulice tako da jedan dio zadržava naziv ulice „Stjepana Radića“ dok drugi dio iste ulice dobija novi naziv ulica „Mehmed ef. Mahmutović - Memiš“.

Nove ulice koje su predložene ovom Odlukom sa opisom trase kao u tekstu odluke su: Ulica „Šefika Skejića“, ulica „Imamović Edina Strikana“ i ulica „Abdulaha - Avde Ćivića“.

Ovom Odlukom predložena je i izmjena naziva mosta „Bosanski most“ u novi naziv „Most radioamateri BiH“.

Također je ovom Odlukom izvršeno terminološko usklađivanje teksta odluke sa Odlukom o proglašenju Grada Zavidovići i Zakonom o Gradu Zavidovići kao i usklađivanje naziva ustanova sa trenutnim nazivima ustanova.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provođenje ove Odluke vršit će se postavljanjem tabli sa nazivima ulica na odgovarajućim mjestima i objektima.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno obezbijediti sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

U toku izrade ove Odluke provedena je javna rasprava i u toku trajanja javne rasprave nije bilo konkretnih primjedbi, prijedloga ni sugestija.

GRADONAČELNICA

mr. iur. Erna Merdić Smailhodžić

Akt pripremila: _____
(Đenana Vuković)

Akt pregledao: _____
(Remzo Sinanović)

Akt pregledao: _____
(Nermin Čahtarević)